

37. — *Le Porteballe.*

Venez, et apres moy marchez,  
 Vous qui estes par trop chargez ;  
 C'est assez suivy les marchez,  
 Vous serez par moy dechargez.

38. — *Le Laboureur (1).*

A la sueur de ton visaige  
 Tu gaigneras ta pauvre vie.  
 Apres long travail et usaige,  
 Voicy la Mort qui te convie.

39. — *Le petit Enfant.*

Tout homme de la femme yssant  
 Remply de misere et d'encombre,  
 Ainsi que fleur tost finissant,  
 Sort et puis fuyt comme fait l'umbre.

40. — *Le Jugement dernier.*

Devant le trosne du grand Juge  
 Chascun de soy compte rendra :  
 Pourtant veillez qu'il ne vous juge,  
 Car ne scavez quand il viendra.

41. — *Les Armes de la Mort.*

Si tu veulx vivre sans peché,  
 Voy ceste imaigne à tous propos,  
 Et point ne seras empesché  
 Quand tu t'en iras à repos (2).

(1) M<sup>me</sup> George Sand, dans *la Mare au Diable*, s'est souvenue de ce quatrain et l'a très-heureusement commenté.

(2) Nous ne donnons pas ici les douze quatrains qui ont été ajoutés dans l'édition de 1547, parce que, encore bien qu'ils aient paru du vivant de Jehan de Vauzelles, nous ignorons s'ils doivent